

ՀԱՅ ՌԱԶՄԻԿՆԵՐԸ ԲՐԱՏԻՍԼԱՎԱՅԻ ՀԱՄԱՐ ՄՂՎԱԾ ՄԱՐՏԵՐՈՒՄ
(25 մարտ—4 ապրիլ, 1945 թ.)

Կ. Ա. ՀԱՐՈՒԹՅՈՒՆՅԱՆ

1945 թ. գարնան սկզբներին Երկրորդ Ուկրաինական ռազմաճակատի առջև խնդիր էր դրված ազատագրել Սլովակիայի մայրաքաղաք Բրատիսլավան, այնուհետև հակառակորդին դուրս շարտել նաև Մորավիայի կենտրոն Բռնոյից: Բրատիսլավայի ազատագրումով բացվում էին Վիեննա տանող ճանապարհները: Ֆաշիստները Բրատիսլավայի մատույցները փակել էին բազմաթիվ դժոխքով և դժգոհներով, հակատանկային փոսերով, ականադաշտերով ու լարափակոցներով: Քաղաք տանող բոլոր ուղիները ծածկված էին արգելապատնեշներով ու երկաթբետոնե ցցերով, փողոցներում կառուցվել էին բարիկադներ, հակատանկային և հակահետևակային զանազան արգելափակոցներ: Ամրացված էին Բրատիսլավայի հատկապես ծայրամասերը, որտեղ, բացի արհեստական ամրություններից, օգտագործվել էին քաղաքի հյուսիսային մասով ձգվող Փոքր Կարպատյան լեռները և հարավային մասով հոսող Փոքր և Մեծ Դանուբ գետերը: Մինչև Բրատիսլավա հասնելը սովետական զորքերը պետք է հաղթահարեին նաև Գրոն, Ժիտավա, Նիտրա և Վազ գետերը:

Նախապատրաստական աշխատանքներից հետո Երկրորդ Ուկրաինական ռազմաճակատի 7-րդ գվարդիական բանակի զորքերը 1945 թ. մարտի 25-ին անցան հարձակման: Դաժան մարտեր տեղի ունեցան հատկապես Գրոնի գետանցման ժամանակ: Հակառակորդը կատաղի դիմադրություն էր ցույց տալիս, փորձելով ամեն զինով խանգարել սովետական զորքերի գետանցումը: Սակայն 7-րդ բանակի հարվածային խմբերին հաջողվեց տեղ-տեղ հաղթահարել Գրոնը և նրա արևմտյան ափին հենակետեր ստեղծել: Մարտի 26—27-ը 7-րդ բանակի զորամասերը գետանցեցին Գրոնը, շարժվեցին դեպի Բրատիսլավա՝ ճանապարհին հաղթահարելով ջրային մյուս արգելքները ևս: Օդից նրանց անգնահատելի օգնություն ցույց տվեց 5-րդ օդային բանակը: Ապրիլի 1-ին 7-րդ գվարդիական բանակի առաջապահ զորամասերը դուրս եկան Բրատիսլավայի մատույցները և ընթացքից գրոհեցին նրա ամրությունները: Նրանց աջակցում էին նաև Դանուբյան գետային ռազմական նավատորմի զրահակատները: Փոքր Կարպատների շրջանում հաջողությամբ էին գործում 1-ին գվարդիական հեծյալ-մեքենայացված խմբի 4-րդ և 6-րդ գվարդիական հեծյալ կորպուսները: Նրանք ապրիլի 1-ին զրավեցին Բրատիսլավայից հյուսիս-արևմուտք գտնվող Տոնավա քաղաքը և շրջապատման սպառնալիք ստեղծեցին Փոքր Կարպատներում ամրացած հակառակորդի համար: Օգտագործելով հեծ-

1 ՍՍՀՄ պաշտպանության մինիստրության արխիվ (այսուհետև՝ ՍՍՀՄ ՊՄԱ), 7-րդ գվարդիական բանակի ֆոնդ, ց. 5312, գ. 979, թ. 4:

յալ կորպուսների հաջողությունը, գվարդիականներին հաջողվեց ապրիլի 2-ին կոտրել թշնամու դիմադրությունը և նրան ցած շարտել Փոքր Կարպատների անտառածածկ լանջերին ստեղծած պաշտպանական ամրություններից: Նույն օրը ընդհանուր 25-րդ հրաձգային կորպուսի առաջապահ զորամասերը, հաղթահարելով հակառակորդի 3 շարք խրամատներից բաղկացած և բազմաթիվ հրետանային-գնդացրային կրակակետեր ունեցող պաշտպանության արտաքին եզրագիծը, մարտեր սկսեցին քաղաքի ազատագրման համար: Համառ պայքար սկսվեց յուրաքանչյուր թաղամասի, փողոցի և տան համար: Առաջինը քաղաք ներխուժեցին գեներալ-մայոր Ն. Պ. Գրեչանու 409-րդ հրաձգային և գնդապետ Ն. Վ. Երյոմինի 4-րդ գվարդիական օդա-դեսանտային դիվիզիաների զորամասերը: Այնուհետև, քաղաքի արևելյան շրջանից Բրատիսլավա մտան 23-րդ հրաձգային կորպուսի 25-րդ գվարդիական (հրամանատար՝ գրեզպետ Ա. Մ. Պերեմանով) և 252-րդ հրաձգային (հրամանատար՝ գեներալ-մայոր Ի. Ա. Գորբաչով) դիվիզիաները: Դանուբի հյուսիսային ափով առաջ էր շարժվում նույն կորպուսի 19-րդ հրաձգային դիվիզիան (հրամանատար՝ գրեզպետ Ս. Վ. Սալիլև), որին ակտիվ աջակցում էր Դանուբյան ռազմական նավատորմի դեռուսական նավերի 2-րդ բրիգադը (հրամանատար՝ 2-րդ կարգի կապիտան Ա. Ֆ. Արժավկին): Չդիմանալով սովետական զորքերի ճնշմանը, ապրիլի 4-ի երեկոյան հակառակորդը դադարեցրեց դիմադրությունը և նահանջեց Վիեննայի ուղղությամբ: Սլովակիայի մայրաքաղաք և արդյունաբերական, վարչական ու ճանապարհային կարևոր հանգույց Բրատիսլավան ազատագրվեց ֆաշիստական օկուպացիայից: Քաղաքի բնակչությունը ցնծությամբ և խանդավառությամբ դիմավորեց իր ազատարարներին²:

Բրատիսլավայի ազատագրության համար մղված մարտերում աչքի ընկած զորամասերի կազմում մեր բազմազգ հայրենիքի մյուս ժողովուրդների և ազգությունների ներկայացուցիչների հետ ուս-ուսի մարտնչեցին նաև հայ ժողովրդի զավակները: Նրանցից շատերը մարտերում ցուցաբերած խիզախության ու արիության համար արժանացան կառավարական բազմաթիվ պարգևների, իսկ շատերն էլ այդ հերոսական կռիվներում իրենց կյանքը զոհեցին հանուն եղբայրական սլովակ ժողովրդի ազատության:

Հայ ռազմիկների զգալի մասը այդ մարտերին մասնակցել է 7-րդ գվարդիական ընդհանուր 25-րդ հրաձգային կորպուսի 409-րդ հրաձգային դիվիզիայի կազմում³:

² «За освобождение Чехословакии», М., 1965, стр. 194; «Освобождение Юго-Восточной и Центральной Европы войсками II-го и III-го Украинских фронтов 1944—1945», М., 1970, стр. 560, 658.

³ Այդ դիվիզիան ձևավորվել էր Սովետական Հայաստանում՝ 1941 թ. օգոստոսին, 1942 թ. փետրվարին այն վերակազմավորվել է որպես հայկական ազգային միավորում, իսկ դեկտեմբերին փոխադրվել ռազմաճակատ: Առաջին մարտերին դիվիզիան մասնակցել է Մոզդոկի շրջանում, որտեղից նրա մարտական ուղին ձգվել է Թաման, Միլերովո, Ալափնյա Ուկրաինա, Ռումինիա, Հունգարիա, Չեխոսլովակիա և Ավստրիա: Գերմանա-ֆաշիստական զորքերին հասցրած զգալի կորուստների և մարտերում ցուցաբերած արիության համար դիվիզիան պարգևատրվել է Բոգդան Խմելնիցկու շքանշանով, ինչպես նաև արժանացել Կիրովոգրադյան պատվավոր անվանման (այդ մասին ավելի մանրամասն տե՛ս Ա. Հ. Հարությունյան, Հ. Գ. Հովհաննիսյան, 409-րդ հրաձգային դիվիզիայի մարտական ուղին («Բանբեր Հայաստանի արիւնքներ», 1966, № 1, էջ 7—40):

1945 թ. մարտի 25-ի առավոտյան դիվիզիայի զորամասերը Դարմատկի բնակավայրի մոտ հաջողությամբ կատարելով Գրոնի գետանցումը, հակառակորդին դուրս շարտեցին գետի արևմտյան ափին գտնվող Բինյա և Չատա գյուղերից⁴։ Այնուհետև, զարգացնելով ձեռք բերած հաջողությունը, նրանք շարունակեցին թշնամու հետապնդումը և հաղթահարելով Նիտրա և Վազ դետերը, ապրիլի 1-ին գրավեցին Բրատիսլավայից Հյուսիս-արևելք գտնվող Սենեց քաղաքը։ Երկաթգծի ուղղությամբ շարունակելով առաջխաղացումը, դիվիզիայի զորամասերը հաջորդ օրը գրավեցին Իվանկա, Ֆառնա և Վալնորի կայարանները, ինչպես նաև Բրատիսլավայի արևելյան արվարձանը⁵։ Ապրիլի 5-ին դիվիզիայի զորամասերը փողոցային կատաղի մարտեր էին մղում քաղաքի 7-րդ թաղամասի համար։ Մինչև կեսօր այն մաքրվեց ֆաշիստներից։ Վերջիններիս ձեռնարկած մի քանի հուսահատական հակազդերն ապարդյուն անցան։ Երեկոյան դեմ թեժ մարտեր բորբոքվեցին 1—4-րդ թաղամասերում⁶։ Առավոտյան մարտերը շարունակվում էին նույն թափով։ Միայն կեսօրից հետո դրանք սկսեցին թուլանալ, իսկ օրվա վերջում հակառակորդը լրիվ դադարեցրեց դիմադրությունը։ Դիվիզիայի զորամասերը կրնկակոխ հետապնդեցին թշնամուն և նրան քշեցին Մորավա գետի աջ ափը⁷։

Գերագույն գլխավոր հրամանատարի 1945 թ. ապրիլի 4-ի № 330 հրամանով շնորհակալություն հայտնվեց Բրատիսլավայի գրավման ժամանակ առավել աչքի ընկած զորամիավորումներին, այդ թվում նաև 409-րդ հրաձգային դիվիզիային⁸։ Սլովակիայի մայրաքաղաքի ազատագրման գործում ակտիվ դեր խաղալու համար դիվիզիային շնորհվեց Բրատիսլավայան պատվավոր անվանում։ Դիվիզիայի հարյուրավոր զինվորներ ու սպաներ քաղաքի համար մղված մարտերում ցուցաբերած արիության ու քաջության համար պարգևատրվեցին շքանշաններով և մեդալներով։ Նրանցից էր 677-րդ հրաձգային գնդի 2-րդ հրաձգային գումարտակի հրամանատար, մայոր Ռ. Ա. Հովսեփյանը։ Նրա գումարտակը առաջիններից մեկը հաղթահարեց Գրոնը և հենակետ գրավեց Չատա գյուղի շրջանում։ Կերտ կայարանի գրավման ժամանակ գումարտակը ոչնչացրեց հակառակորդի 30 զինվոր ու սպա, գերեց 40 հոգի։ Գումարտակը աչքի ընկավ նաև Բրատիսլավայում տեղի ունեցած փողոցային մարտերում՝ ոչնչացնելով շուրջ 200 հիտլերականի, շարքից հանելով 10 գնդացրային կետ, գրավելով մի քանի թաղամաս։ Այդ բոլորի համար գումարտակի տասնյակ զինվորներ արժանացան կառավարական զանազան պարգևների, իսկ նրանց հրամանատարը՝ Կարմիր դրոշի շքանշանի⁹։ Այդ մարտերում աչքի ընկան նաև նույն գնդի ավտոմատավորների վաշտի դասակի հրամանատար, ավագ սերժանտ Ա. Ա. Սողոմոնյանը և կապի վաշտի ջոկի հրամանատար, ավագ սերժանտ Վ. Ե. Հովհաննիսյանը։ Նրանցից առաջինը հատկապես աչքի ընկավ ապրիլի 3-ին՝ թաղամասերից մեկի գրավման ժամանակ։ Անկյունային շենքի պատուհանից տեղացող գնդացրային կրակը գետին էր գամել

⁴ ՍՍՀՄ ՊՄԱ, 409-րդ հրաձգային դիվիզիայի ֆոնդ, ց. 484453, գ. 1, թ. 34։

⁵ Նույն տեղում, 7-րդ գվարդիական բանակի ֆոնդ, ց. 5312, գ. 279, թ. 19։

⁶ Նույն տեղում, գ. 979, թ. 26։

⁷ ՍՍՀՄ ՊՄԱ, 409-րդ հրաձգային դիվիզիայի ֆոնդ, ց. 484453, գ. 1, թ. 34։

⁸ Նույն տեղում, 7-րդ գվարդիական բանակի ֆոնդ, ց. 5312, գ. 979, թ. 36։

⁹ Նույն տեղում, ֆ. 33, ց. 690306, գ. 330, թ. 352։

Ա. Ա. Սողոմոնյանի դասակին: Հրամանատարը աննկատելի սողալով անցավ շենքի հտնամուտքը և ճարակությամբ բարձրանալով երկրորդ հարկ՝ գերեց զնդացրորդին: Դա դասակին հնարավորություն տվեց գրավել թաղամասը: Այդ նույն ժամանակ գրոհող ստորաբաժանումների և զնդի շտաբի միջև անխափան կապ էին ապահովում Վ. Ե. Հովհաննիսյանի ղեկավարած կապավորները: Վտանգելով կյանքը, Վ. Ե. Հովհաննիսյանը վերացրեց հեռախոսագծի խաթարման 20 դեպք: Մարտերում ցուցաբերած քաջության համար ավագ սերժանտներ Ա. Ա. Սողոմոնյանը և Վ. Ե. Հովհաննիսյանը պարգևատրվեցին Արիության համար մեդալներով¹⁰:

Քաջաբար էին կոչում նաև 675 և 684-րդ հրաձգային գնդերի մարտիկները։ Գրոնի գետանցման ժամանակ 684-րդ գնդի 1-ին հրաձգային գումարտակի կուսկազմակերպիչ, կրտսեր լեյտենանտ Ա. Ս. Զատիկյանը առաջինն անցավ դետի աջ ափը և ձեռնամարտի բռնվեց թշնամու հետ։ Մարտիկները հետևեցին նրան, և հիտլերականները փախուստի դիմեցին։ Հենակետը գրավվեց, բայց այդ մարտում Ա. Ս. Զատիկյանը քաջի մահով զոհվեց։ Նման հերոսություն գործեց նաև 675-րդ հրաձգային գնդի 1-ին հրաձգային գումարտակի կուսկազմակերպիչ, սերժանտ Ա. Ս. Վարդապետյանը։ Ապրիլի 2-ին գումարտակը մարտական առաջադրանք էր ստացել հակառակորդին դուրս շարտել Վալնորի կայարանի և դինամիտի գործարանի շրջաններից։ Գրոնի անցած մարտիկների ճանապարհը փակեց թշնամու դժոտից տեղացող գնդացրային կրակը։ Առաջին շարքերը մի պահ երկրացին և փորձեցին ընկրկել։ Այդ նկատելով՝ Ա. Ս. Վարդապետյանը «Հանուն հայրենիքի՜ իմ ետևից» կոչով առաջ նետվեց և նռնակով ոչնչացրեց դժոտը։ Կայարանն ու դինամիտի գործարանը դրավվեցին, բայց սերժանտ Ա. Ս. Վարդապետյանը քաջաբար զոհվեց։ 7-րդ դվարդիական բանակի հրամանատարությունը բարձր գնահատելով Ա. Ս. Վարդապետյանի և Ա. Ս. Զատիկյանի անձնազոհությունը՝ հետմահու նրանց պարգևատրեց Հայրենական պատերազմի 1-ին աստիճանի շքանշաններով¹¹։

Քաղաքի ազատագրման մարտերում հերոսաբար էին գործում նաև 964-րդ հրետանային գնդի հրետանավորները: Նրանք հատկապես կարևոր գեր խազացին գետային արգելքների հաղթահարման ժամանակ հետևակին աջակցելու և հակառակորդի պաշտպանական ամրություններն ավերելու գործում:

Գնդի շտաբի աշխատանքները գերազանց ղեկավարելու համար Հայրենական պատերազմի 1-ին աստիճանի շքանշանով պարգևատրվեց շտաբի պետ, կապիտան Ա. Ա. Քարամյանը¹²։ Փողոցային մարտերում ցուցաբերած խիզախության համար Փառքի 2-րդ աստիճանի շքանշանով պարգևատրվեց հրետանու գնդի 6-րդ մարտկոցի նշանառու, կրտսեր սերժանտ Ա. Կ. Դանիելյանը։ Միայն ապրիլի 3-ին խիզախ հրետանավորի դիպուկ կրակով ոչնչացվեց հակառակորդի 2 գնդացրային կետ՝ անձնակազմի հետ միասին, 105 մմ մեկ հաուբից, մասամբ ոչնչացվեց մեկ վաշտի յափ հետևակ¹³։

Ապրիլի 3-ի մարտերում աչքի ընկավ նաև դիվիզիայի հրետանու շտաբի պետի օգնական, կապիտան Վ. Հ. Նարինյանը, որը ղեկավարում էր հակառա-

10 ՄՍՀՄ ՊՄԱ, 409-րդ հրաձգային դիվիզիայի հոնդ, ց. 484454, գ. 45, թթ. 562, 579:

11 *UuzU quU*, §. 33, g. 690306, q. 504, pp. 110—111.

12 ՆՈՒՆԻ տեղում, գ. 2954, թ. 141:

13 Նույն տեղում, Բ. 175:

կորդի կրակակետերը կործանող ուղիղ նշանառության հրանոթների խումբը: Մեկ օրվա ընթացքում Վ. Հ. Նարինյանի ղեկավարած հրետանավորները ոչընչացրեցին հակառակորդի 4 դզօտ, շենքերի տարբեր հարկերում թաքնված 3 զնդացրային կետ, 1 հակատանկային հրանոթ և շուրջ 40 հիտլերական: Մարտական առաջադրանքը գերազանց կատարելու համար Վ. Հ. Նարինյանը պարգևատրվեց Կարմիր աստղի շքանշանով¹⁴: Կարմիր աստղի շքանշանով պարգևատրվեց նաև 682-րդ առանձին սակրային գումարտակի սակրավոր, եֆրեյտոր Ա. Ս. Թորոսյանը, որը հակառակորդի տեղատարափ կրակի տակ վնասազերծեց հակատանկային 60 ական և ճանապարհ բացեց գրոհող ստորաբաժանումների համար¹⁵:

Արիաբար էր գործում գինարհեստանոցի պետ, ավագ տեխնիկ-լեյտենանտ Ա. Հ. Բարսեղյանը, որը կյանքը վտանգի ենթարկելով հենց կրակային դիրքերում վերանորոգեց 5 հրանոթ և 7 զնդացիր: Նա պարգևատրվեց Հայրենական պատերազմի 2-րդ աստիճանի շքանշանով¹⁶: Նույնպիսի շքանշանով պարգևատրվեց նաև տրանսպորտային վաշտի հրամանատար, ավագ լեյտենանտ Բ. Ս. Հարությունյանը¹⁷:

Անձնագրոհ էին գործում 344-րդ առանձին ավտովաշտի վարորդները՝ ավագ տեխնիկ-լեյտենանտ Մ. Պատրիկյանի հրամանատարությամբ: Աշխատելով գիշեր-ցերեկ, նրանք հակառակորդի կրակի տակ առաջավոր դիրքեր էին փոխադրում զենք ու զինամթերք, իսկ վիրավորներին՝ թիկունք: Վարորդներ Ա. Գ. Թութունյանը, Մ. Կ. Դոլոզյանը, Տ. Հ. Սուքիասյանը և 486-րդ առանձին բուժսանգումարտակի վարորդ Կ. Մ. Խուդավերդյանն արժանացան Արիության համար և Մարտական ծառայության համար մեդալների¹⁸:

Բրատիսլավայի ազատագրության համար մղված մարտերին բազմաթիվ հայ ռազմիկներ մասնակցեցին նաև 7-րդ գվարդիական բանակի այլ զորամիավորումների կազմում:

Բրատիսլավայի համար մղված մարտերում հերոսաբար էր կռվում 25-րդ գվարդիական հրաձգային դիվիզիան, որն արժանացավ Սովետական Միության 2-րդ աստիճանի շքանշանի: Այդ դիվիզիայի հրետանու շտաբի պետն էր գվարդիայի մայոր Հ. Ո. Ոսկանյանը, որն այդ օրերին կատարում էր նաև դիվիզիայի հրետանու պետի պարտականությունները: Հրետանավորները միայն Բրատիսլավայի պատերի տակ ոչնչացրեցին հակառակորդի 8 տանկ ու զրահատանսպորտյոր, հրետանային ու ականանետային 3 մարտկոց, հակատանկային 9 հրանոթ, 75 զնդացիր, 18 ավտոմեքենա, 16 դզօտ, շարքից հանեցին ավելի քան 1120 հիտլերականի: Հրետանու աշխատանքը գերազանց ղեկավարելու համար Հ. Ո. Ոսկանյանը պարգևատրվեց Ալեքսանդր Նևսկու շքանշանով¹⁹: Նույն դիվիզիայի 53-րդ գվարդիական հրետանային գնդի դիվիզիոնի հրամանատար, գվարդիայի մայոր Վ. Հ. Աղաջանովը դիվիզիոնի մարտական գոր-

¹⁴ Նույն տեղում, դ. 504, թ. 319.

¹⁵ Նույն տեղում, 409-րդ հրաձգային դիվիզիայի ֆոնդ, ց. 484453, գ. 45, թ. 481.

¹⁶ Նույն տեղում, ֆ. 33, ց. 690306, գ. 504, թ. 301.

¹⁷ Նույն տեղում, թ. 121.

¹⁸ Նույն տեղում, 409-րդ հրաձգային դիվիզիայի ֆոնդ, ց. 484453, գ. 45, թթ. 580—595.

¹⁹ Նույն տեղում, ֆ. 33, ց. 690306, գ. 3172, թ. 335.

ծողութիւնները գերազանց ղեկավարելու համար պարգևատրվեց Կարմիր դրոշի շքանշանով²⁰։

Քաղաքի ազատագրութեան գործում կարևոր դեր խաղալու համար Կարմիր դրոշի շքանշանի արժանացավ 19-րդ հրաձգային դիվիզիան։ Դանուբը գետանցելիս հատկապես աչքի ընկավ այդ միավորման 32-րդ հրաձգային գնդի 1-ին հրաձգային գումարտակի կուսակազմակերպիչ, կրտսեր լեյտենանտ Պ. Ա. Աբրահամյանը։ Մարտի 29-ի լույս 30-ի գիշերը 7 հոգուց բաղկացած մի խումբ նրա ղեկավարութեամբ անաղմուկ հաղթահարեց Դանուբը և սողալով մոտեցավ հակառակորդի առաջապահ դիրքերին։ Երբ մնացել էր մի քանի մետր, թշնամին նկատեց խիզախներին։ Ե՛վ յոթնյակին, և՛ գետանցող մյուս խմբերին ոչնչացում էր սպառնում։ Դրութիւնը փրկեց Պ. Ա. Աբրահամյանը, որը ոչնչացրեց թշնամական կրակակետերը։ Այնուհետև, միանալով դետանցում կատարած խմբերին նա մասնակցեց հակառակորդի պաշտպանական երկրորդ բնագծի ճեղքմանը և Զլատնա նա Օստրովե գյուղի ազատագրմանը։ Ցուցաբերած խիզախութեան համար Պ. Ա. Աբրահամյանը ներկայացվեց Հայրենական պատերազմի 1-ին աստիճանի շքանշանի։ Սակայն նրան բախտ չվիճակվեց ստանալու պարգևը։ Ապրիլի 3-ին, փողոցային մարտերից մեկում նա քաջի մահով զոհվեց²¹։

Ռբառիսլավայի ազատագրման ժամանակ աչքի ընկավ նաև 93-րդ գվարդիական հրաձգային դիվիզիան և արժանացավ Կուսուզովի 2-րդ աստիճանի շքանշանի։ Այդ դիվիզիայի 285-րդ գվարդիական հրաձգային գնդի կապի վաշտում էր ծառայում շարքային Ա. Հ. Հարութիւնյանը։ Մարտի 24-ի լույս 25-ի գիշերը նա հեռախոսավարի փաթեթն ու ապարատը ձեռքին անցավ Գրոնի արևմտյան ափը և հուսալի կապ ստեղծեց հենակետ գրաված ստորաբաժանման ու գնդի շտաբի միջև։ Այդ գիշերը նա մի քանի անգամ լողալով անցավ գետը և վերականգնեց խաթարված հեռախոսագիծը։ Ա. Հ. Հարութիւնյանն ապրիլի 2—4-ը տեղի ունեցած փողոցային մարտերում կրակի տակ 56 անգամ վերականգնեց խաթարված հեռախոսակալը։ Մարտական առաջադրանքները գերազանց կատարելու և ցուցաբերած քաջութեան համար գվարդիայի շարքային Ա. Հ. Հարութիւնյանը պարգևատրվեց Կարմիր դրոշի շքանշանով²²։

Նույն դիվիզիայի 281-րդ գվարդիական հրաձգային գնդի 120 մմ ականանետային մարտկոցի հետախույզ, գվարդիայի սերժանտ Ռ. Ս. Վարդանյանը Գրոնի աջ ափից ճշտում էր մարտկոցի կրակը։ Նրա հաղորդած տվյալներով միայն մարտի 25-ին ոչնչացվեց հակառակորդի 4 զնդացրային կետ և ականանետային 1 մարտկոց, որոնք խանգարում էին գետանցում կատարող զորքերին։ Հերթական հետախուզութիւն կատարելիս նա գերեց գերմանական 1 եֆրեյտորի և բերեց շտաբ։ Ցուցաբերած արիութեան համար անվախ հետախույզը պարգևատրվեց Փառքի 2-րդ աստիճանի շքանշանով²³։

Մարտերում ցուցաբերած արիութեան համար Հայրենական պատերազմի 2-րդ աստիճանի շքանշանով պարգևատրվեց այդ դիվիզիայի 198-րդ գվար-

20 Նույն տեղում, 7-րդ գվարդիական բանակի ֆոնդ, ց. 5339, գ. 162, թ. 158։

21 Նույն տեղում, ֆ. 33, ց. 686196, գ. 138, թ. 78։

22 Նույն տեղում, ց. 690306, գ. 127, թ. 64։

23 Նույն տեղում, գ. 3466, թ. 398։

դիական հրետանային զնդի դիվիզիոնի հրամանատարի քաղաքական գծով տեղակալ, գվարդիայի կապիտան Մ. Խ. Պիշտոկչյանը²⁴,

Սլովակիայի մայրաքաղաքի ազատագրության ժամանակ հերոսաբար կռվեց նաև 252-րդ հրաձգային դիվիզիան, որն արժանացավ Բրատիսլավյան պատվավոր անվանման: Դիվիզիան հատկապես հաջողությամբ էր հաղթահարում ջրային արգելքները: Դրանում իր արժանի լուսն ուներ դիվիզիայի ինժեներ, մայոր Պ. Հ. Կարաբեկովը: Նրա ղեկավարությամբ անցարանների կառուցման աշխատանքները միշտ էլ ավարտվել են ժամանակին և զորամասերին հնարավորություն տվել հաջողությամբ հաղթահարելու արգելքները: Դանուբ և Փոքր Դանուբ գետերի վրայով անցարանների կառուցումը գերազանց կազմակերպելու համար Պ. Հ. Կարաբեկովը պարգևատրվեց Հայրենական պատերազմի 1-ին աստիճանի շքանշանով²⁵,

Հայրենական պատերազմի 1-ին աստիճանի շքանշանով պարգևատրվեց նաև 4-րդ գվարդիական օդա-դեսանտային դիվիզիայի 9-րդ զնդի 2-րդ հրաձգային գումարտակի շտաբի պետ, գվարդիայի ավագ լեյտենանտ Ա. Ի. Հարությունյանը²⁶,

Դրոնի գետանցման, նրա աջ ափին հենակետ դրավելու և այն ընդլայնելու համար մղված մարտերում ստորաբաժանումը գերազանց ղեկավարելու փայլուն ունակություններ ցուցաբերեց 6-րդ գվարդիական օդա-դեսանտային դիվիզիայի 14-րդ զնդի 2-րդ հրաձգային գումարտակի հրամանատար, գվարդիայի ավագ լեյտենանտ Ս. Կ. Ազատյանը: Նա իրեն լավ դրսևորեց նաև մարտի 28-ին՝ Նիտրայի գետանցման և նրա աջ ափին գտնվող Շուրանի քաղաքի դրավման ժամանակ: Հմտորեն կազմակերպելով կրակային միջոցների փոխգործունեությունը օժանդակ ուժերի հետ, Ս. Կ. Ազատյանի ղեկավարած գումարտակը ճակատային գրոհով ազատագրեց Բրատիսլավա տանող երկաթուղային, գետային և խճուղային ճանապարհների խաչուղում գտնվող փոքրիկ քաղաքը: Մարտական այդ գործողությունը գերազանց ղեկավարելու համար Ս. Կ. Ազատյանն արժանացավ Ալեքսանդր Նևսկու շքանշանի²⁷:

Ապրիլի 4-ին Բրատիսլավայում դեռ փողոցային թեժ մարտեր էին տեղի ունենում: Հակառակորդը քաղաքի թաղամասերից մեկում ամուր պաշտպանություն էր ստեղծել և կատաղի դիմադրում էր: Այդ տեղամասում թշնամու դեմ կռվում էին 309-րդ հրաձգային դիվիզիայի 847-րդ հրաձգային զնդի 2-րդ հրաձգային գումարտակի 5-րդ վաշտի մարտիկները՝ կապիտան Վ. Խ. Գրիգորյանցի հրամանատարությամբ: Մարտի թեժ պահին նա վիրավորվեց, սակայն կռվեց մինչև թաղամասի ազատագրումը: Այդ մարտում Վ. Խ. Գրիգորյանցի մարտիկները ոչնչացրին 75 և գերեցին 20 հիտլերական, ավար վերցրին զինամթերքով լի 7 ավտոմեքենա, 5 հաստոցային և 3 ձեռքի զնդացի: Մարտական առաջադրանքը կատարելիս ցուցաբերած քաջության համար կապիտան Վ. Խ. Գրիգորյանցը պարգևատրվեց Կարմիր աստղի շքանշանով²⁸:

Փոքր Դանուբի վրայի կամուրջի գրավման ժամանակ 29 հիտլերական ոչնչացրեց 65-րդ առանձին պատժիչ գումարտակի դասակի հրամանատար,

24 Նույն տեղում, 7-րդ գվարդիական բանակի ֆոնդ, ց. 5339, գ. 262, թ. 294:

25 Նույն տեղում, ֆ. 33, ց. 690306, գ. 1071, թ. 373:

26 Նույն տեղում, գ. 216, թ. 316:

27 Նույն տեղում, ց. 686196, գ. 551, թ. 20:

28 Նույն տեղում, ց. 690306, գ. 216, թ. 334:

գվարդիայի ավագ լեյտենանտ Ն. Հ. Տեր-Օգանեսովը և արժանացավ Հայրենական պատերազմի 1-ին աստիճանի շքանշանի²⁹։

Բրատիսլավայի համար 7-րդ գվարդիական բանակի մղած մարտերում իրենց ավանդը ներդրեցին նաև 6-րդ գվարդիական ականանետային դիվիզիայի շտաբի պետ, գվարդիայի փոխգնդապետ Մ. Տ. Ավագյանը³⁰, 303-րդ հրաձգային դիվիզիայի 845-րդ հրաձգային գնդի հրամանատարի պաշտոնակատար, մայոր Հ. Մ. Մանվելյանը³¹, 6-րդ օդա-դեսանտային դիվիզիայի հրաձգային գումարտակի հրամանատար, գվարդիայի կապիտան Ս. Ղ. Դավթյանը³², 27-րդ գվարդիական հրաձգային կորպուսի շտաբի կապի սպա, կապիտան Ս. Ա. Հովհաննիսյանը³³, բժշկական ծառայության մայոր Ն. Պ. Յուզբաշյանը³⁴, 303-րդ հրաձգային դիվիզիայի 844-րդ հրետանային գնդի հրանոթի նշանառու, կրտսեր սերժանտ Յ. Ա. Նազարեթովը³⁵, 28-րդ գվարդիական առանձին սակրային գումարտակի սակրավոր, գվարդիայի եֆրեյտոր Մ. Տ. Բաբայանը³⁶ և շատ ուրիշներ։

Բրատիսլավայի ազատագրման համար մղված մարտերում խիզախորեն կռվեցին նաև 5-րդ օդային բանակի օդաչուները, որոնք մարտական գործողությունների ընթացքում օդից հուսալիորեն պաշտպանում էին ցամաքային ուժերին և զրոհային, կործանել ու ուժարկու հարվածներ հասցնում հակառակորդի ամրություններին, տեխնիկային, կենդանի ուժին։

Բանակում խիզախ օդաչուի համբավ էր ձեռք բերել 3-րդ գվարդիական զրոհային ավիացիոն դիվիզիայի 190-րդ գվարդիական զրոհային ավիագնդի էսկադրիլայի շտուրման և հրամանատարի տեղակալ, գվարդիայի ավագ լեյտենանտ Վ. Ա. Գիզգիզովը։ Նա կատարել էր 145 մարտական թռիչք և թշնամուն պատճառել զգալի կորուստներ։ Բանակի հրամանատարությունը բարձր էր գնահատել զրոհային օդաչուի մարտական հաջողությունները՝ նրան պարգևատրելով Հայրենական պատերազմի 1-ին աստիճանի, Կարմիր դրոշի 2, Ալեքսանդր Նևսկու 2 շքանշաններով։ Վերջին պարգևը նա ստացավ Բրատիսլավա-Բոնո շրջանում կատարած մարտական 24 թռիչքների ժամանակ ցուցաբերած բացառիկ հմտության, քաջության և արիության համար³⁷։

Իրենց թռիչքային վարպետությամբ և մարտերում ցուցաբերած քաջություններով նաև 48-րդ ուժեղացված ավիագնդի շտուրման, մայոր Ս. Մ. Մարգարյանը³⁸, 453-րդ ուժեղացված ավիագնդի էսկադրիլայի հրամանատարի տեղակալ, լեյտենանտ Ն. Ս. Դանիելյանը³⁹, 809-րդ զրոհային ավիագնդի ավիաօդակի հրամանատար, լեյտենանտ Շ. Ս. Մարտիրոսյանը⁴⁰, 91-րդ գվարդիա-

²⁹ Նույն տեղում, գ. 623, թ. 29։

³⁰ Նույն տեղում, 7-րդ գվարդիական բանակի ֆոնդ, ց. 5339, գ. 162, թ. 461։

³¹ Նույն տեղում, թ. 450։

³² Նույն տեղում, թ. 570։

³³ Նույն տեղում, թ. 158։

³⁴ Նույն տեղում, թ. 384։

³⁵ Նույն տեղում, թ. 320։

³⁶ Նույն տեղում։

³⁷ Նույն տեղում, ֆ. 33, ց. 686196, գ. 647, թ. 209։

³⁸ Նույն տեղում, ց. 690306, գ. 3170, թ. 35։

³⁹ Նույն տեղում, գ. 1938, թ. 188։

⁴⁰ Նույն տեղում, ց. 686044, գ. 1201, թ. 213։

կան գրոհային ավիացիոն հրաձիգ, զվարդիայի ավագ Ս. Ռ. Բարսեղյանը⁴¹, բանակի հրամանատարի անձնական օդաչու, ավագ լեյտենանտ Հ. Խ. Պարոնյանը⁴² և շատ ուրիշներ: Նրանք մեր բազմազգ հայրենիքի մյուս ժողովուրդների զավակների հետ միասին այդ հերոսական մարտերում փառքով պսակեցին իրենց անունները և արժանի ավանդ ներդրեցին ֆաշիստական զավթիչներից եղբայրական Սլովակիայի մայրաքաղաք Բրատիսլավայի ազատագրման գործում:

ВОИНЫ АРМЯНЕ В БОЯХ ЗА БРАТИСЛАВУ (25 МАРТА—4 АПРЕЛЯ 1945 Г.)

К. А. АРУТЮНЯН

Р е з ю м е

С 25 марта по 4 апреля 1945 г. войска Второго Украинского фронта после упорных боев освободили столицу Словакии Братиславу. В частях и соединениях, отличившихся в боях за освобождение Братиславы, наряду с русскими, украинцами, белорусами, грузинами, азербайджанцами, с представителями других национальностей нашей Родины сражались также армяне.

Значительная часть воинов армян участвовала в боях в составе 409-ой стрелковой Кировоградской ордена Богдана Хмельницкого дивизии, 7-ой гвардейской армии. В годы Великой Отечественной войны она прошла боевой путь от предгорьев Кавказа до Чехословакии. За активное участие в освобождении Братиславы дивизия получила наименование Братиславской.

Воины армяне сражались также в других соединениях и частях 7-й гвардейской и 5-ой воздушной армий, Дунайской военной флотилии и тем самым внесли достойный вклад в дело освобождения столицы Словакии г. Братиславы.

⁴¹ Նույն տեղում, ց. 690306, գ. 2718, ք. 32:

⁴² Նույն տեղում, գ. 3171, ք. 212: